



UNDANG-UNDANG MALAYSIA

Akta A861

**AKTA PROFESION UNDANG-
UNDANG (PINDAAN) 1993**

Tarikh Persetujuan Diraja 8hb September 1993

Tarikh diterbitkan dalam
Warta 16hb September 1993

UNDANG-UNDANG MALAYSIA

Akta A861

AKTA PROFESION UNDANG-UNDANG (PINDAAN) 1993

Suatu Akta untuk meminda Akta Profesion Undang-Undang 1976.

[17hb. September 1993]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen dan dengan kuasa daripadanya, seperti berikut:

1. Akta ini bolehlah dinamakan Akta Profesion Undang-Undang (Pindaan) 1993. Tajuk ringkas.
2. Seksyen 96 Akta Profesion Undang-Undang 1976, yang disebut "Akta ibu" dalam Akta ini, adalah dipinda— Pindaan seksyen 96. Akta 166.
 - (a) dengan menggantikan noktah dalam subseksyen (1) dengan noktah bertindih; dan
 - (b) dengan memasukkan, selepas subseksyen (1), proviso yang berikut:

"Dengan syarat bahawa Lembaga Tatatertib boleh, bilamana disifatkannya perlu atau suaimanfaat, dan selepas berunding dengan Majlis Peguam, mengubah bilangan ahli Panel Jawatankuasa Tatatertib. Apa-apa perubahan bilangan ahli hendaklah mengikut perkadaran yang sama

bagi peguambela dan peguamcara dan orang biasa sebagaimana yang diperihalkan di atas.”.

Pindaan
seksyen 97.

3. Seksyen 97 Akta ibu adalah dipinda—

- (a) dengan menggantikan noktah dalam subseksyen (1) dengan noktah bertindih; dan
- (b) dengan memasukkan, selepas subseksyen (1), proviso yang berikut:

“Dengan syarat bahawa Lembaga Tatatertib boleh, apabila disifatkannya perlu atau suaimanfaat, dan selepas berunding dengan Majlis Peguam, mengubah bilangan ahli Panel Tribunal Penyasatan. Apa-apa perubahan bilangan ahli hendaklah mengikut perkadaran yang sama bagi peguambela dan peguamcara dan orang biasa sebagaimana yang diperihalkan di atas.”.

Pindaan
seksyen 100.

4. Subseksyen (1) seksyen 100 Akta ibu adalah dipinda dengan memasukkan, selepas perkataan “hendaklah”, perkataan “, jika difikirkannya terdapat merit dalam permohonan atau aduan itu,”.

Pindaan
seksyen 101.

5. Seksyen 101 Akta ibu adalah dipinda—

- (a) dalam subseksyen (1)—

- (i) dengan memotong perkataan “, biar bagaimanapun jua,”; dan

- (ii) dengan menggantikan noktah dengan perkataan “, atau dalam apa-apa tempoh lain yang ditentukan secara bertulis oleh pengerusi Lembaga Tatatertib atas permohonan yang dibuat oleh Tribunal Penyasatan bagi pelanjutan tempoh dua bulan itu.”; dan

- (b) dalam subseksyen (3), dengan menggantikan perkataan “lima ratus ringgit” dengan perkataan “dua ribu ringgit atau dipenjarakan selama tempoh tidak melebihi tiga bulan atau kedua-duanya”.

6. Seksyen 103 Akta ibu adalah dipinda dengan memasukkan, selepas subseksyen (2), subseksyen yang berikut: Pindaan seksyen 103.

“(3) Jika Lembaga Tatatertib sudah memerintahkan supaya apa-apa penalti dibayar di bawah seksyen ini oleh seseorang peguambela dan peguamcara, penalti itu hendaklah dibayar dalam masa satu bulan dari tarikh perintah itu dan jika dia ingkar membayarnya, Lembaga Tatatertib boleh memerintahkan supaya peguambela dan peguamcara itu digantung daripada menjalankan amalan sehingga pembayaran penalti itu dibuat.”.

7. Seksyen 103B Akta ibu adalah dipinda dengan menggantikan perkataan “lima”, “tiga” dan “dua” dalam subseksyen (2) masing-masingnya dengan perkataan “tiga”, “dua” dan “satu”. Pindaan seksyen 103B.

8. Seksyen 103D Akta ibu adalah dipinda—

(a) dengan menggantikan perkataan “hendaklah” dalam subseksyen (1) dengan perkataan “boleh”; dan Pindaan seksyen 103D.

(b) dengan memasukkan, selepas subseksyen (2), subseksyen yang berikut:

“(3) Jika Lembaga Tatatertib tidak bersetuju dengan syor-syor Jawatankuasa Tatatertib, Lembaga Tatertib hendaklah membuat apa-apa perintah lain yang difikirkannya adil.”.

9. Akta ibu adalah dipinda dengan memasukkan, selepas seksyen 103G, seksyen yang berikut: Seksyen baru 103H, 103I dan 103J.

“Penubuhan 103H. (1) Bar Malaysia hendaklah menubuhkan, menyenggara dan mentadbirkan suatu kumpulan wang yang hendaklah dikenali sebagai “Kumpulan Wang Tatatertib”.

(2) Tiap-tiap peguambela dan peguamcara hendaklah, pada setiap kali dia memohon Sijil Tahunan, membayar kepada Bar Malaysia

suatu caruman kepada Kumpulan Wang Tatertib yang jumlahnya boleh ditentukan oleh Majlis Peguam dari semasa ke semasa:

Dengan syarat bahawa jika seseorang peguambela dan peguamcara memohon sijil amalan yang sah bagi suatu tempoh yang kurang daripada enam bulan dalam sesuatu tahun kalendar, maka dia hendaklah dikehendaki membayar suatu caruman yang merupakan setengah daripada jumlah yang ditentukan bagi tahun itu.

(3) Semua kos, caj dan perbelanjaan bagi maksud mana-mana prosiding tatatertib di bawah Akta ini hendaklah dibayar daripada Kumpulan Wang Tatatertib itu.

Pembayaran
fee, denda,
dll. ke
dalam
Kumpulan
Wang
Tatatertib.

103i. Maka hendaklah dibayar ke dalam Kumpulan Wang Tatatertib fee yang ditetapkan menurut seksyen 140 dan apa-apa denda, penalti, atau apa-apa bayaran lain yang diperintahkan oleh Lembaga Tatatertib supaya dibayar.

Kuasa
untuk
membuat
kaedah.

103j. Lembaga Tatatertib boleh, dengan berunding dengan Majlis Peguam dan dengan kelulusan Menteri, membuat apa-apa kaedah yang suaimanfaat atau perlu bagi melaksanakan peruntukan-peruntukan Akta ini dengan lebih baik.”.